



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 10. redovnoj sjednici održanoj 19. aprila 2017. godine, usvaja

ZAKON O DOPUNAMA ZAKONA O POREZU NA DOHODAK

Član 1

(1) U Zakonu o porezu na dohodak (Službeni glasnik Brčko distrikta BiH, broj 60/10) u članu 25, iza stava 4 dodaju se stavovi:

”

- (5) Rezidentni porezni obveznik može lični odbitak uvećati i za iznos kamate plaćene na stambeni kredit.
- (6) Pod kamatom iz stava 5 ovog člana podrazumijeva se kamata plaćena u poreznoj godini na stambeni kredit koji je porezni obveznik uzeo s ciljem rješavanja svog stambenog pitanja, i to za prvu nekretninu.
- (7) Pravo iz stava 5 ovog člana prestaje otplatom tog stambenog kredita.
- (8) Porezni obveznik koji ostvaruje pravo iz stava 5 ovog člana godišnje dostavlja Poreznoj upravi dokaz o plaćenju kamati na stambeni kredit.
- (9) Uvećanje ličnog odbitka iz stava 5 ovog člana priznaje se nakon ličnog odbitka iz stava 1 ovog člana u konačnom obračunu poreza na dohodak na osnovu podnesene godišnje porezne prijave i potvrde banke o visini plaćene kamate na stambeni kredit.
- (10) Rezidentni porezni obveznik može lični odbitak uvećati i za iznos troškova školovanja djece.
- (11) Pod troškovima školovanja iz stava 10 ovog člana podrazumijeva se uplata školarine.
- (12) Porezni obveznik koji ostvaruje pravo iz stava 10 ovog člana godišnje dostavlja Poreznoj upravi dokaz o plaćenju školarini.
- (13) Uvećanje ličnog odbitka iz stava 10 ovog člana priznaje se nakon ličnog odbitka iz stava 1 ovog člana u konačnom obračunu poreza na dohodak na osnovu podnesene godišnje porezne prijave i potvrde o plaćenju školarini.“

(2) Dosadašnji stavovi 5, 6, 7, 8, 9 i 10 postaju stavovi 14, 15, 16, 17, 18 i 19.

Član 2

Iza člana 48 dodaje se novi član 48a koji glasi:

„Član 48a

Prava propisana članom 25 stavovima 5, 6, 7, 8, 9, 10, 11, 12 i 13 se mogu koristiti od dana stupanja na snagu ovog zakona.“

Član 3

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-109/17
Brčko, 19. 4. 2017. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić